

cipiatur in subiecto corporeo, alius quàm corporeus motus esse nequit, quia materialis & corporei subiecti accidens necessariò corporeum & materiale est. Sed jam tuum est, Quinte, defatigato mihi in altera quæstione tractanda succedere.

EXERCITATIO LXXXVI.

Continuatio Dialogi, ubi docetur solum organi corporei motum quandoque sensum appellari.

I. *Qu.* **A**ltera quæstio nobis proposita hæc fuit, an motus ille organi corporei, quem primum sensûs gradum diximus, etiam ipsius sensus nomine veniat, cujus tamen primus tantum gradus est. Et ratio dubitandi est, quod primus ad rem aliquam constituendam gradus non videatur nomine illo posse insigniri, quo res tota constituta & gradibus suis perfecta solet appellari.

2. Dicendum verò est, motum istum organi corporei, v. g. oculi, sensûs ac visûs nomine designari tum à philosophis tum ab aliis solere. Verbi causâ, dum quæritur num visio fiat *emissione*, an *receptione*, respicitur sanè organum corporeum, cuius

jus